

愚

齋

存

稿

愚齋存彙卷第二十八目錄

電報五

李傅相來電

寄李傅相

又

又

又

李傅相來電

張香帥來電

寄李傅相

寄香帥

張香帥來電

寄香帥

李傅相來電

寄李傅相

又

又

李傅相來電

北京朱守寶奎來電

寄李傅相

李傅相來電

寄李傅相

寄北京朱守寶奎

李傅相來電

寄李傅相

北京朱守來電

寄北京朱子文

寄李傅相

又

李傅相來電

寄李傅相

李傅相來電

寄李傅相

張香帥來電

寄李傅相

李傅相來電

又

寄翁尙書

寄李傅相

李傅相來電

寄李傅相

又

翁尙書來電

寄翁尙書

寄李傅相

又

李傅相翁中堂來電

寄李傅相翁中堂

李傅相翁中堂來電

寄李翁兩中堂

寄張香帥

駐京比使來電

張香帥來電

寄香帥

張香帥來電

寄香帥

寄李傅相

寄夔帥

寄李傅相

傅相來電

寄傅相

又

寄北京比使費大臣

寄傅相

又

李傅相來電

寄北京朱子文

京比使費大臣來電

寄王夔帥

夔帥來電

傅相來電

寄王夔帥

夔帥來電

寄北京朱子文

又

張香帥來電

寄張香帥

寄夔帥

總署李傅相來電

北京比使來電

寄李傅相

寄北京比使

李傅相來電

寄傅相

寄北京比使

李傅相來電

寄李傅相

寄王夔帥

愚齋存彙卷第二十八

電報五

李傅相來電

光緒二十三年七月十六日

望電慰悉所議各節甚周安旣由律師議立草合同希寫明一千六百萬鎊限年內分幾次幾月交清在倫敦某大銀行兌交匯豐議未就恐其忌嫉能指明英國國家銀行更妥其餘均應照辦俟草約畫押卽行請旨正合同在總署簽定另具奏福祿受來京時尊處派妥員同來以便面議接洽防公使等播弄生波

寄李傅相

七月十六日

福祿受請照英德借款本利一月一還爭之再四始允
半年一還頃又面稱英德銀主亦係半年一收而中國
係每月交付匯豐德華上海分行第五款載明以便該
行預備金錢按期在泰西交鎊此次仍應照辦該公司
視通商銀行一如匯豐德華也彼面子上頗助通商銀
行謂我國家當無不願移外國銀行所侵之利益歸諸
通商銀行實則彼恐鹽課釐金臨時延誤要由通商銀
行保其收付竊思還款買鎊若照常例到期呆買外人
莫不上下其手鎊價之暗虧勝於明利以後誠能援照

匯豐德華之例按月提存通商銀行相機擇價稟明預
爲買鎊使外人捉摸不定此中便宜必多如銀到行而
未買鎊由行照例算息歸公亦勝於寄庫此係收回利
益之事福旣堅請草約內姑照敘似無關出入通商銀
行倫敦需人代理此款辦成擬卽派彼代辦於匯鎊較
便

又 七月十六日

草約言明西歷十二月三十一號以前交清准交英國
家總銀行或公司擇定之頭等銀行在倫敦者代中國
國家收取至分幾次幾月須詢倫敦正約補敘草約今

晚繕齊遵卽畫押十九派員偕福祿受赴京惟呈送草約必應牘咨總署但始終未奉公電只好敘入中堂專電可否請 旨後給一公電敘咨較妥

又 七月十六日

福祿受交閱洋報載明中國允將鹽課釐金悉歸稅司經管乃可抵借字樣上海匯豐又告知內地課釐若不歸洋人兼管必靠不住幾至潰散幸該公司深信通商銀行只要准其派一洋員駐行稽查關稅鹽課釐金解到銀行數目以備到期付還借款本息便可使銀主相信此節不允則必散細思無關政體已允其轉請鈞署

列入正約

又七月十七日

篠電謹悉茲事重大若內地課釐爲二赤所持以後事更難爲故設法力籌補救鎊價八兩零可合一萬三萬光景此天助我也但恐臨時作價喫虧不在小處請勿與日本定期由我隨時劃還隨時作價則操縱在我福祿壽今日已託領事密電寶使只說已畫草約不言辦法並已密告他人猜忌情形但此人初到中國尙無沾染到京則公使稅司必多方搖惑難保不中變可否奏派南洋大臣畫定正約關稅鹽課釐金皆兩江所管

如可行乞速電示當與福商妥再請奏

李傅相來電

七月十八日

鎊價日增以後恐難減跌馬關約載明償期能全還則全免息豈能隨時作價劃還致違約今日樞廷已面奏明日鴻自具摺切告福祿壽草約既定斷不准其翻悔公使稅司皆偏袒匯豐勿爲所動只要年內金鎊如數交清他無足慮南洋情形太生仍令照約來京訂正約爲要

張香帥來電

七月十八日

頃陳中丞篠電云前盛京卿函詢鄂粵鐵路所經

江湘孰便比答以論民情則似江易湘難論道路
便否當以地形爲據民情可以人力斡旋請派修
路工師勘明江湘道里遠近形勢難易卽代定經
由之準等語竊謂國家創興大政以立自強之基
盧漢已行鄂粵繼舉江湘莫非王土豈能有所阻
撓況湘人素懷忠義同德同仇今昔一轍近來士
紳尤多通曉時務不泥故見但令當事宣布詔旨
俾知事在必行並諭以鐵路不運湘中煤米無損
船戶生計所經各省境內工程卽由各省遴委員
紳督率照料督辦大臣任用得人無官場倚勢壓

人之習無遇事苛刻因以爲利之心惠以使人寬
嚴并濟此所謂人事幹旋者往年澧州電綫蓋因
司事先失人心卽今年設電長沙時電工委員亦
幾因工費肇衅旋得曾牧慶溥調處寢事後乃悉
由該員代發沿途始無異言此明徵也如果以湘
爲便勢所必經當與督辦商定節目再與在事官
紳核議妥協盡其在我以期措正施行至湘境修
路工程愚意或仿盧漢成式由鄂粵邊境同時接
修至事權合縫或由鄂邊接修上迎粵路或由粵
邊接修上迎鄂路統由委員委紳勘定插標通行

曉諭屆時大舉一氣呵成似可不必由長沙先修至鄂以免南路另起爐竈湘紳所見亦同是否伏求酌核並商盛京堂爲叩等語特奉聞

寄李傅相

七月二十日

今日路透電已見福來辭行面訂西十一月二十日付一千萬鎊十二月二十日付六百萬鎊條款以去年三月英德正約爲本途中卽酌擬大概到京須將英德合同洋文交閱請預鈔一分免擔攔上次畫押後六箇月付清此次期甚促八月初七前必須畫押

寄香帥

七月二十一日

光緒二十一年
嘯電備聆右帥所答鐵路事皆屬至理將來用人不妨
注重委紳惟湘粵連界有歧路似應先派熟悉委員逐
條查勘以便避險就夷舍遠圖近洋工師向惟華人導
引可免臨時勘度費事乞轉商右帥

張香帥來電

七月二十四日

陳右帥電云漾電謹悉鐵路若經由湘境發端時
便須妥貼其要義全在勘路箴前電宣布 詔旨
及示諭不運湘中煤米似又爲勘路前要義鄙意
朝議既定宜請明降 諭旨飭下粵鄂湘各省遴
委員紳兼派就地紳耆協同公司勘路風聲先播

使知 國家重務事在必行辦理較易惟初勘路
時暫不可帶用洋工師致啟疑謠勿誤始基是否
乞鈞裁並轉商盛京卿爲叩等語特轉達

寄香帥

七月二十五日

鐵廠不得煤虧耗無窮鎊貴洋煤難買開平不肯接濟
日本交易須兩年後無策補救與國鉛礦務須歸併鐵
廠辦理乞照原議允准以便咨明立案

李傅相來電

七月二十六日

羅電謂呼利家資百餘萬鎊恐獨力難勝竇使本
日來署云福祿壽向不知其人款事必有切實押

保股票方易賣詢呼利公司可靠否答以難保鴻
於十九鈔草約具奏舉朝皆慮無成又是笑柄

寄李傅相

七月二十七日

實謂必有切實押保股票方易賣似尙指課釐事昨洋
報謂英商止認關稅向不認釐此次以釐抵借是使英
國認釐況英政府屢請除釐所以上海英商會應議此
事云聞英使等均願匯豐所議辦法恐呼利所允通融
辦法大千所忌

又七月二十七日

頃詢福郎立謂呼利家財約有二千萬鎊英王慶典獨

捐四十萬鎊濟貧各洋報所載羅謂百萬或係口頭語
謂獨力難勝該公司本有四董呼利詹悟生斐立美百
而皆鉅富且須售票不盡已財詹係議紳外部皆熟福
耶立力保正約簽定借款必可靠此四董皆有名決不
失信云如疑其不可靠可令朱守書此四董洋文姓名
由中堂直電詢外部以釋羣疑

又七月二十七日

呼利不可靠何故哄騙福謂呼詹已備八百萬鎊借造
鐵路止須售票一半今日進見須以實使所言切實研
詰並勸其呼力如不足准由呼利在倫敦轉覓一家大

銀行會同辦理好在五釐九五扣總可售票草約既奏
准似不可全翻致成笑柄此電請卽交朱守與福哈商
之

李傅相來電 七月二十九日

昨在署公閱正合同稿大致似可就緒俟初二回
鑾後再定議畫押

北京朱守寶奎來電 七月三十日

昨到總署合肥常熟敬慶崇在座諸事甚妥毫無
輾轉草約內銀行作保一款鄙見因去年所駁章
程內恐將來借重銀行或致受累又派洋員駐銀

行查收一款均除去正約擬就送呈合肥常熟聽候核辦福已允戶部發給各票不必由總稅司簽字頃福接呼電外部已電英使矣

寄李傅相

七月三十日

福允除去洋員駐行一節並允戶部發給各票不由稅司簽字彼固竭力要好但恐夜長夢多西報搖惑西例草約翻悔是常事正約翻悔最可恥似以早定正約爲安

李傅相來電

八月初一日

福祿壽爲押款十萬鎊多刁難羅電呼利避暑他

往晤詹悟生詢借款答云福爲鐵路去此事不知恐難成云此與公使匯豐無干不意竟有變局

寄李傅相

八月初一日

朔電福因押款刁難是否爲面子難看福昨告朱守呼已請外部電英使確否據福郎立云福祿壽未到前借款事皆與詹悟生通電斷無不知之理

寄北京朱守寶奎

八月初一日

如外部有結實好話則押款可鬆外部來電含糊則押款愈重正約到英後再畫押十一月付款恐來不及鄙見只要條款立得周密何愁股票難售只要股東售得

出何愁押款十萬希告福勃

李傅相來電

八月初二日

竇使函復外部電呼利借款國家不過問則押款最要今議定先交十萬鎊正約始畫押據云電不能詳須將約底寄到核明乃可給票當遲至九月中旬彼注意鐵路告以正約畫押後再與盛酌議爲妥此事成否竟無把握

寄李傅相

八月初二日

福瀕行面致洋函謂承修蘇滬鐵路可仿照比國借款當面答以總署正約畫妥回滬再行商議並未函復昨

將此意派鄭孝胥赴甯與峴帥面商極願速辦屬宣主稿會奏如呼利公司能先交十萬鎊正約畫後似可卽與酌議英比各辦一路買料做工互有比較所謂落得人情也

北京朱守來電

八月初三日

各款均妥惟押款十萬鎊合肥要卽日在京或在倫敦交票簽字福只允約到倫敦後五天票交羅手簽字昨係合肥誤會電致倫敦而福係函致倫敦相去路程四五天現福候見英使如何說法再定主意師有無妙法可調停其餘各款福可謂

竭力遷就矣英使致總署信照鈔另電子元轉呈

寄北京朱子文

八月初三日

英使復署函重在係用何項抵押一語相電因英使不說好話恐正約立後翻復我想正約條款只要周密使買票者相信則匯豐能售呼利公司豈不能售故條款不可太遷就正約不可不速定福見寶後如何定見速示

寄李傅相

八月初四日

聞英使致鈞署函中有若仍不放心則須看一千六百萬鎊係用何項抵押云頃有洋人云只要抵押結實條

款可靠英國銀市必可相信五釐不致難售若只顧目前遷就正約到後恐亦難辦重在釐金一條須使人放心等語美國前要地丁不要釐金謂恐釐金五十年內必改章美卽因此罷議總之如要事成須將此著切實議妥或添一條如釐金改章以地丁補之卽是竇意注重抵押如釐金不爲銀市挑剔呼利公司雖獨力難辦亦必有銀行拊股福欲候正約到英再付十萬鎊亦恐條款中有變端似須與訂限期過限不定卽與他人另議以免貽誤

又 八月初四日

南洋來咨蘇杭通商水路之利中外共之惟陸路之利可以獨攬又云蘇滬甯鎮設路華商紛紛稟辦甚至洋商情願暗附華股誠以需款尙不過鉅辦理旣易獲利又速是爲地興利蘇滬之路似宜速辦仍應照案由貴大臣主政辦理以一事權等語謹聞

李傅相來電

八月初五日

正約已定稿福必欲先赴滬與弟議辦鐵路章程再攜十萬鎊票來京畫押鴻謂汝已有信與盛照比國辦法伊云詳細未議鴻謂總要借款正約畫押鐵路方定伊允可今日卽行約十二三日後到

京戶部償款著急俄法亦允商借如呼利先成更
安但彼注重鐵路內意不欲明言弟若與訂草約
切勿提先商廷臣至鹽稅釐金抵押約內載明洋
商欲免釐故不以釐金抵押爲然實未必有此議
五十年內斷無改章之理福到滬如何議法隨時
密告

寄李傅相

八月初六日

上海楊樹浦華盛紗廠商股只有八十萬頗虧折現今
楊樹浦一帶洋廠林立華廠獨受其擠月須虧折數千
金斷難久支華商公稟暫租與洋商包辦三年再行收

回廠名一切不更動華商取其押租卽在浦東另設華盛新廠自辦以保商本南洋已批准應否咨明總署乞商大農電示

李傅相來電

八月初七日

聞華盛紗廠辦不得法虧折有因浦東新廠較得地未必卽保商本租給洋商頗駭聞聽咨署無益大農更不過問

寄李傅相

八月初七日

奉歌電總要借款正約畫押鐵路方定此是定盤針惟福亦慮我失信恐須求立鐵路草約如各款合式草約

議安立一專條謂借款不成此約亦廢可否乞示以備
操縱

張香帥來電

八月初八日

今日法領事來見謂兩月前船政法國洋工師致
函鐵廠堪納第查問所出鋼鐵質地材料請寄樣
考驗迄未見復彼意船政用鋼鐵料甚多欲專用
中國鋼鐵漢廠能供用亦一大宗生意機不可失
請速飭廠查明如收到此函似應寄樣酌復以廣
招徠

寄李傅相

八月十一日

福祿受來議正合同十分遷就恐票不易售必須與他
端同定乃可歆動俄法均有邊界鐵路香港英屬英願
援照俄法承造粵漢宣答以粵漢華商已定自造止有
滬至蘇甯一路可照比國借款福云照比款無甚利益
且蘇甯路短需款無多若照比款至少亦須借四百萬
鎊蘇甯必接通漢幹本利方能有著又謂鎊貴擬來華
多設洋廠造紗布請照中俄銀行例與華商合股彼此
有益欲與華盛合成一紡織大公司湊集華洋股分三
百萬兩合力大舉以拒日本紗進口必須以上兩合同
議妥方足使英公司商情鼓舞福卽進京畫定正約福

已接詹悟生電一千六百萬鎊已現成如兩事皆允卽可速定答以蘇甯先借二百萬鎊俟接展甯漢再借二百萬鎊須分作兩起合同可先訂明至紗廠洋商已准獨辦華商合辦更無不可但必須仍歸督辦華商亦舉董事福亦首肯似此在英商固不落實在華公司亦藉可有力圖成管見如欲正約定奪此二事同議有益無損蘇甯路本原議所應辦與盧漢並舉比英藉可相較請與樞譯署堂妥商是否恭候鈞示再與核議

李傅相來電

八月十二日

怡綫續約已仍限明年底完工署已蓋印巴另備

照會稍活動然今年做至張口明年由怡至庫不可失信福路議如何借款事兄既奏明今舉朝疑爲虛誕樵野昨奏須令銀行與稅司經辦洋商必不可靠豈果驗耶

又

八月十二日

福性未定所言未可盡信前既允照比章今又欲添接甯漢卽蘇甯借洋款之說香帥似曾電奏是否奉有 俞旨翁謂記不眞望仍查確擬將甯漢先訂明合同斷不可許前借比款眾謗盈廷樞譯已各存意見茲事體更大孰與主持至華洋合股

紡織公司似只可由外酌議妥辦詹悟生一千六百萬鎊現成之電須再考究

寄翁尙書

八月十三日

呼議成毀蘇甯決之南皮原奏水路之利洋商共之陸路之利華商專之新甯亦謂然長江輪船每年水腳數百萬分其半可還路債故造此路較易招股但必須與邸商定未可游移餘詳復儀相

寄李傅相

八月十三日

兩文電謹悉南海請銀行稅司經辦自是常經祇因農部不欲稅司干預課釐故作另議昨福持詹電譯云百

六十兆已預備半作鐵路借款已告羅使等語詰以何謂半作鐵路福云意在與路款並借非拘半數如此事不成中堂叫我驕子特來求成鐵路庶兩全明知綢繆蘇路太急然不許則難成香帥二十一年奏擬分五段籌辦淞滬三十餘里爲一段滬蘇二百里爲一段蘇鎮三百里爲一段鎮甯百八十里爲一段又蘇杭約二百里另爲一段官商合辦十二月初三奉旨金陵上海興辦鐵路各摺照所請行並有劉坤一賡續成之以爲補牢之計云云二十二年七月王張奏辦盧漢摺稱現已奏定擬造蘇甯鐵路請准歸併一公司承造庶可挹

光緒二十八年
彼注茲雖未明言借款而旣歸公司便准借款且不兼
營南路則北路還債尤難早已言之現擬集商股三百
萬兩爲此路底本滬至蘇蘇至杭先借首批一百萬鎊
蘇至甯續借二批一百萬鎊甯至漢不拘何年接造先
儘該公司照章續借擬定草約俟付十萬鎊總署畫約
後再到滬畫定紡織合辦由外酌議本可毋庸奏咨但
不敢不告所慮署約成而路約不奉 旨不能畫失信
外人借款亦必悔樞譯若果無人主持不如就此停議
福約十四早會乞與大農酌示聞借款單銜奏同人
意見深悔多事

李傅相來電

八月十四日

樞堂公電元電悉福祿受先攬借款又牽合鐵路
又欲推至蘇甯種種情形是否可靠此時以借款
爲第一義畫押後能否如期如數交清執事既經
發端卽不能辭責至蘇甯路尙有奏案可憑若甯
漢則未開議應俟奏明再行酌辦云

寄李傅相

八月十五日

福祿受亦來言接呼詹電譯出中國國家須於定款外多
給行用釐半否則你無權簽約云告以原議不准另給
行用未便節外生枝福云此必羅使在呼詹面前先露

允意故來電口氣甚緊非此不可詢以釐半合若干鎊
福云二十四萬鎊福候鈞署復電如准照加卽行到京
簽押但恐呼詹與羅使商量欲改倫敦簽押必延時日
且恐條款須改動總署正約旣議定似應仍歸總署與
福簽字爲妥速福又云九百萬鎊羅已查明現成大可
放心押款十萬鎊能否不要乞鈞示

又 八月十五日

昨福見比約並無權利請五釐息答以不能照比約更
改且蘇甯止需二百萬鎊勸其先定借款隨後再議鐵
路今日福接呼電只求行用釐半不提鐵路大約彼知

路猝難定議已肯先定借款所請加二十四萬鎊似只
可直截允准或先給一釐如不允再照加既奉公電不
能辭責卽請會商電示再與磋磨定奪

翁尙書來電

八月十五日

邸意允蘇甯不允甯漢已有公電去弟深慮者彼
藉口鐵路分半至所借款到期交不足數誤我大
局此層乞卓見識透

寄翁尙書

八月十五日

呼備九百萬冬月付一半餘可湊羅電亦云然太吾士
言呼可靠如付到一半餘勿慮彼允先借款後辦路更

直捷釐半似難惜

寄李傅相

八月十六日

借款爲第一要義已力勸福祿受先定借款再議路事
福接公司電請加行用釐半未提鐵路如允加行用似
即可畫正約呼利告羅使九百萬鎊已齊十一月內可
交一半若頭批應手二批似無慮至路事續議自應遵
照先辦蘇甯倘借款能先定不受其要挾矣乞轉陳樞
堂

又

八月十七日

諫電頃已告福據云我本注意鐵路不要行用但去電

實言路息更輕並無權利呼乃另索行用不允則無權
畫押責以汝定章正約時皆言有權利何忽無權福云
所執係議鐵路全權借款有猶太人在內不僅呼詹故
難專主然呼索行用卽是辦成實信我當發電力勸特
恐彼已開口難不破白或給一釐或照英德前款九四
扣尙可設法答以必不能允汝卽照中堂來電電復可
也

李傅相翁中堂來電

八月十七日

頃接羅使電借款以約爲憑呼詹述及行用業經
兩次指駁斷無先露允意之理據雷德銀行稱呼

利寶係殷商惟九百萬鎊係呼利自說有無確據
另電云商之兩邸以福已定款約乃又生枝節恐
其交款不能如期彼既電呼利俟復電如何再告
知

寄李傅相翁中堂

八月十九日

篠電謹悉福祿壽已接倫敦訓條因銀市大漲釐半斷
難再減頃與福再四商酌允其借款成定後再議蘇甯
鐵路給函爲憑福允九四扣立帶押款十萬鎊來京并
呈出已備九百萬鎊之據付款日期遵照原議福有全
權畫押但須請從速俯允福恐銀市再漲更難議等語

查九四扣卽是照原議加一釐與上年英德借款相同
大約非此斷不能成宜恐其再活變卽令當面泐據並
令哈華託律師作見證言明請示總署卽行回復乞轉
陳樞譯各堂迅賜電示

李傅相翁中堂來電

八月二十日

效電持商兩邸以九四扣照原議已加自無另外
行用九百萬鎊之據可靠否應令連此據並押款
十萬鎊票帶京其票係何銀行應確詢該行不致
落空西十一月二十頭期交鎊當不致誤二期係
十二月二十日倘不交清應另議加罰希與議定

卽派朱守同伊北上

寄李翁雨中堂

八月二十二日

福祿受接呼電謂律師當知照實使若借約俱合例自應卽匯十萬鎊押款云今已由哈華託電致實使大約押款畫押時須憑實使過付並與哈商另立小約云今兩面議定現在福祿受赴京所簽之借款正約一切章程應照福祿受已簽名之約稿一係存李中堂處一係存實使處者一律不改惟約中所定九五扣改作九四扣宣與福簽字各執免再活動乞轉陳樞譯各堂

寄張香帥

八月二十三日

漢澗路比人卽欲接辦海沙地勘路已回日內赴漢現
與比人商定擬從德租界外江邊起先行築路至澗口
水退卽開工趕六箇月告成以便江邊造棧起卸料物
從此發軔不怕來年發水乞面諭朱道速將江邊至澗
應用地畝上緊買成九月杪必須動手千萬勿誤襄河
邊至通濟門不妨從緩

駐京比使來電

九月初四日

本大臣查明日昨來電現已給本國電報請派監
工以及勘估等員作速來華如來本國回音立即
電知貴大臣查照

張香帥來電

九月初五日

秋閒大咨擬將湘振餘款三萬三千一百五十兩撥修鐵廠外襄河堤工現已委漢陽薛令督同錫樂巴勘估刻日興工由錫承修據錫稟稱石料須趕速備齊萬不可誤祈將前項振款速匯籌振局轉發支用以便購料切禱

寄香帥

九月初六日

廠外襄堤興工甚慰湘振餘款先解一萬其餘卽催各處員紳如數續解請飭籌振局先行墊付決不短少

張香帥來電

九月初六日

路工必宜速開諸事艱難似須閣下親臨隨時酌定相機督催方能迅速無誤此節甚關緊要未知卓見以爲然否台駕何時來漢口祈示

寄香帥

九月初七日

朱道所稱十月望前開工明年四月可成此爲關鍵宣因總署屬辦借款一百六十兆釐金鹽課抵借不用關票甚屬艱難無論成否落子後卽當來鄂目前以購地運石爲要義已函牘緊催仍乞隨時諭飭爲感

寄李傅相

九月初八日

呼詹尙疑課釐不敷恐有匪黨搖惑署致羅電或可釋

疑聞押款實使不肯經手過付而呼詹欲交羅使福以
不符前議仍請匯華如速匯固好如交羅十萬鎊候羅
電畫約似亦與匯華無異夜長夢多日期尤促乞鈞酌
寄夔帥 九月初八日並致津路局

北洋鐵路學堂前經移併大學堂辦理此後是否仍歸
津榆胡京兆已有成議否如該堂學生悉供京榆之用
則總公司須趕緊另開學堂乞速示

寄李傅相 九月十四日

倫敦洋報極言釐課不可靠皆赤匯作法也押款不到
疑有變局據白藻泰云法國可借前奉鈞電俄法另議

有無頭緒似宜預備英罷則議法且法就則英或不罷

傅相來電

九月十四日

羅使電英國家銀行並無呼利存款俄華分行亦未受託匯京云其人荒唐可恨已極

寄傅相

九月十四日

願電謹悉其人荒唐已極獨不解自賠盤費騙人何益此閒謠傳英銀市以內地課釐爲二等押款五釐九四扣票甚難售而福仍與呼利往返電報撮合似宜趁此速與他人另議

又九月十五日

頃晤白藻泰云前借俄法百兆皆法款續借英德百兆
至今五釐票甚難售此次何不專向法借答以傳相亦
有此意白云我可電外部詢大銀行請將章程告我如
合式再由銀行派議因思若由總署託公使太著迹若
由俄華轉商又承俄情白旣聳惠似可作爲敝處私託
探詢不著痕迹遂將呼利公司所議條款告知據稱押
款十萬不好看冬臘月交款斷來不及餘皆平允答以
大銀行本可無須押款交期當再請示白允卽刻發電
一有復電卽轉達云

寄北京比使費大臣 九月十五日

接尊電已十日所請派監工以及勘估等員何日來華
日期甚緊望速催復

寄傅相 九月十五日

呼利不交押款必有要求若遽決裂內則譁然外則要
挾似不如攔起一面密議法款法有端倪再與呼絕既
免要挾亦不致譁道勝有一法國大班在滬白藻泰云
巴黎大銀行可令其先立草約

又 九月十五日

英法消息通靈姑用聲東擊西之法

李傅相來電 九月十六日

呼利押款杳然內已譁詫彼更何能要挾福係無
賴卽當一切罷絕法使已談借款白言甚是交款
至遲不得過華正月

寄北京朱子文

九月十七日

相電以福無賴想已決裂但潑必知其實情須囑潑將
所以翻復之故稟知中堂以免內譁

京比使費大臣來電

九月十七日

按照所請之意再電比國催派監工等員本月初
十日已札上海領事向貴大臣面述詳細情節

寄王夔帥

九月十七日

周冕十六電稱電諭祇感查去年勦匪均有奏案而報銷竟不核轉然此姑不論惟日內卽欲封江水陸阻隔者須月餘爾時渡江送電亦甚難況圖魯河電報往來須六七日今劫廠戕官已五日曹某旣到處請兵冕亦電稟觀風兩廠喫緊而回電但令圖魯河報近日情形而不及他論圖魯河原等破甌然觀風尙可力救若待曹某此次復電到再議發兵雖孫吳亦無法去豈欲使同歸於盡爲曹某作陪耶歲提軍餉如此之重而遇事如此將何以服眾商耶冕現擬日內親往一行勢必竭力以答知遇不使貽笑外人利鈍非所計云恩帥吟域

觀漢可慮似須設法保全

夔帥來電

九月十八日

少逸亦有電來江省情形如此緩急萬不足恃惟
有酌量增竈勉圖自立只須將廠情賊勢剴切臚
陳此間必可據實上請也盍電商之

傅相來電

九月十八日

聞福因恭佩朋比爲奸恭亦非正經福送閱呼電
又索一釐費並加五釐半息十萬鎊在倫敦交畫
押置草約正約於不顧直是瘋痰必當嚴絕法使
勿令白干預款事請勿再議

寄王夔帥

九月二十六日

燕謀復信來年只允一萬五千噸是索我於枯魚之肆
矣師能否設法援之

夔帥來電

九月二十九日

開平焦炭每見必催今年解萬三明年解萬五在
彼已有德色矣據稱現創辦洋法洗礦期於必成
一經得手漢局卽不假外求然乎否乎此事只有
法語異言兼用不可以力征經營也

寄北京朱子文

九月三十日

羅電相呼利招搖已令登告白罷論弟速出京赴唐山

愚齋存稿

卷二十八

庚子年

三

與金達會面漢造軌即可到金代造車催速寄

又九月三十日

足下到翁處稟辭應將呼利與銀市會議變卦實因赫
匪布散謠言倫敦洋報極言釐金不歸洋人管不可靠
故欲加半釐方能售票如他處不能較此便宜呼利與
勞合仍允照前合同辦理至十萬鎊押款只要利息訂
定自可匯付論交涉大局法不如英論自主之權匪不
如呼汝當說透卽行出京

張香帥來電

十月初六日

各洋人紛傳比國借款必不成因內多法國款嫌

息輕不借等語甚爲懸念尊處如有確信祈速示
東洋焦炭最爲要著長策閣下何不借錢與伊令
其速造爐開煉乎或與彼商由我派人徑往東洋
設爐自煉或作爲合夥豈不更有把握與條約似
無妨礙望裁酌開平事商有眉目否若不加價終
恐作難祈復

寄張香帥 十月初八日

比使已將合同蓋印比公司電復總工司已選定但各
國洋人均稱國債利息不符容再面商焦炭非求自立
不可日本非無資本索價每噸二十兩開平加價亦合

十五六兩

寄夔帥

十月十三日

昨抵鄂漢水甫退路已開工鐵廠製軌各洋人均稱佳
已運津一千餘噸開平五槽煤太貴現商張道請運九
槽淨煤到漢自行試煉庶免封河停斷未知能多運否
耳

總署李傅相來電

十月十四日

比使出示其外部電稱公司現擬辦法深望應允
贊成兩有裨益因面述其銀行公議以盧漢鐵路
借款已備惟擬請由中國國家出名賣票可免本

國什一票稅及日後付還本利亦由中國國家轉給並借款不能躉付擬隨時按工價及所購料價陸續代交此係辦法不背合同等語答以合同必須信守若有增損應先議明一經簽訂無可更易且盧漢訂合同後經該國鐵路銀行全權代辦之人在滬續議重訂詎可再行瀆請自添枝節又該公司兩次會議皆與國家無涉故賣票付款國家萬難過問云費使謂各節將逕電貴處如不見允此事恐作罷論看來該國似不信執事乃作此翻騰如何處置

北京比使來電

十月十四日

本大臣如今深願達知貴大臣查悉茲本國銀行定准盧漢鐵路真正辦法兩國均有利益此係銀行一定辦法斷無更改此由本國外部來電內開如此辦法本大臣今派漢領事面告貴大臣一切真正辦法貴大臣如或允准兩邊相合總監工立即起身來華貴大臣亦曉現借洋款不易因此深喜照銀行擬定兩條辦法則鐵路事宜必速辦妥也

寄李傅相

十月十五日

費使令漢領事持比電來告面譯銀行所擬兩條辦法
第一條小票免用公司字樣但求邀免本國什一票稅
日後付還本利並無由中國國家轉給之說現議小票
准繕中國盧漢鐵路借款字樣由鐵路大臣直鄂兩督
蓋印第二條應付借款擬陸續按工程所需取用現擬
照合同第一批應付百萬鎊准先匯交中國五十萬鎊
其餘五十萬鎊轉存比國銀行聽候督辦與比總工程
司商明陸續撥收以爲造路之用該領事已電比使似
可合拍查第二款無關緊要第一款什一票稅過重小
票書明中國盧漢鐵路借款即不書公司亦無窒礙惟

費使面與師議各節未可喧傳以免聞者誤會自家又生波折若比款決裂恐他國要挾更甚伏乞吾師心照寄北京比使

十月十五日

尊電已悉漢領事持電面告銀行所擬兩條辦法深惜前訂合同之時貴國派來全權代辦人並未議及今於合同蓋印後實未便橫生枝節但本大臣甚願兩國辦事到底故將可以通融辦法面告領事詳細轉復貴大臣想亦願保守九月初九蓋印之合同免致貽笑他人與我有同心也

李傅相來電

十月十六日

翰電悉若能如所議兩條合拍甚慰費前云云鴻
面闕之聲色俱厲或中止耶

寄傅相

十月十七日

領事接費使電懇將所議兩事請中堂轉告於彼方能
借重鈞言答復外部據云實非不信公司祇因什一之
稅需一千萬佛郎要替中國省出此費須將此層設法
渡過本利自必照合同向公司收取頃已電費使票寫
大清國盧漢鐵路借款字樣在官話盧漢鐵路本是大
清國所有何待推敲在合同盧漢鐵路已著明總公司
所辦不致相混鄙見要在書明盧漢二字則小票根於

合同每屆本利比公司自必向總公司收取斷無向國家收取之理若總公司倒閉雖票上不寫大清國亦必向國家理論此中消息師所深知特恐聞者誤會故請費使只須與師商明事理毋庸多瀆

寄北京比使

十月十七日

已照來電與漢領事面議所出小票准寫大清國盧漢鐵路借款字樣由鐵路大臣直隸湖廣兩總督蓋印應付借款由比公司按合同所載之期存於比京銀行該銀行即知照鐵路大臣惟第一屆付款之期准先匯交中國五十萬鎊其餘由鐵路大臣與比總工程司商酌

陸續取回以爲造路之用此兩條議定實屬無可再改
已函致漢領事轉電貴大臣不可再生枝節本大臣並
已照電李中堂矣

李傅相來電

十月十九日

頃費使函稱駐漢領事與盛大臣說明盧漢鐵路
辦法想盛必請總署允准由中國國家發銀票及
還本利時亦由國家發給銀行請作速辦妥保護
如此辦云與翰霞兩次來電不符殊爲詫異因緘
復以與領事所議兩條甚妥此外別無辦法如再
有疑議只可與原訂合同盛王張三位自行和衷

商辦本處未便過問云持示常熟謂國家發銀票
及還本利由國家轉給斷不可准且此事本由外
間主政交約應由執事與王張向伊理論勸我莫
管自未便與他人談及致生波折

寄李傅相

十月二十日

奉效電細審費使函意不僅爲什一免稅海鏡謂其息
輕票不能售似確師復函推出彼或先商外部再決可
否惟盼國債不出原議路利相去無多乃不致變

寄王夔帥

十月二十日

十四李相電比款請國家出名售小票本利由國家交

往返籌商擬小票准書大清國盧漢鐵路借款字樣十
九比使函李相仍執前議已飭津局將各電錄呈此事
若真爲什一免稅尙可設法若爲國家出名方能售票
則與上次要求加利不同事恐決裂而他國尤必難辦
南皮亦束手有無神策解圍乞鈞酌

愚齋存稿卷第二十八